

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

10 Novembre 2017
(20 Safar 1439 AH)

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « *Le Livre Parfait (Partie 3)* »:

○ ذَلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ

○ الَّذِينَ يُؤْمِنُونَ بِالْغَيْبِ وَيُقِيمُونَ الصَّلَاةَ وَمِمَّا رَزَقْنَاهُمْ يُنْفِقُونَ

○ وَالَّذِينَ يُؤْمِنُونَ بِمَا أُنزِلَ إِلَيْكَ وَمَا أُنزِلَ مِن قَبْلِكَ وَبِالْآخِرَةِ هُمْ يُوقِنُونَ

3. Zaalikal Kitaabu laa rayba feeh. Hudal-lil-Muttaqiin;

4. Allaziina yu'minuuna bil-Ghaybi wa yuqiimuunas Salaata wa mimma razaqnaahum yunfiquun;

5. Wallaziina yu'minuuna bi-maaa 'unzila 'ilayka wa maaa 'unzila min-qablik, wa bil-'Aakhirati hum yuuqinuun.

3. Sa c'est le Livre dans laquelle péna aucaine doute; li ene guide pou bane qui oulé suive chemin droite,

4. Bane qui accepter ki bane chose invisible existé, qui pratique Salat (Namaz) et qui dépense en Zakat ene partie de ce qui Nous (Allah) fine donne zot,

5. Et qui accepter message qui fine descende lor toi et aussi bane messages qui ti envoyer avant toi, et qui accepter avec l'assurance séki pou vini après. (Al-Baqara 2: 3-5).

Par la grâce d'Allah, Allah (swt) fine donne moi le *Tawfeeq* azordi pour contigner le même sujet de mo Khutba ki mo fine faire deux Vendredis à suivre. Donc, mo ti arrête kot, ou alle *Masjid*, bé prend ou beauté, prend ou *Taqwa* avec ou. Quran même fine fini qualifier la beauté comme *Taqwa*. Li nécessaire ki chaque dimoune vine *Muttaqi*, sinon pas pour capave garde *Masjid Abaad* et si bane *Muttaqi* garde *Masjid Abaad*, bé pour ena tellement de *Barakat* dans sa bane *Masjids* là ki ou même ou pas pour capave concevoir.

Ensuite Allah (swt) dire c'est sa bane dimounes ki amène *Imaan* lor "séki pou vini après". Ici, "séki pou vini après" li en deux sens kan nous étudier sa verset là. Kan ou suivre tournure sa verset là, nous trouver ki Allah pé dire: "Et qui accepter message qui fine descende lor toi et aussi bane messages qui ti envoyer avant toi, et qui accepter avec l'assurance séki pou vini après." - Alors, couma mo ti dire zot dans mo bane Khutba précédent, sa fer référence à continuation de bane révélations divines et de bane messagers après Hazrat Muhammad (saws) ki pou confirme sa Quran là, Le Livre parfait d'Allah.

En plus de sa, sa aussi fer référence lors *Imaan* ki bane *Muttaqi* bizin ena lors le *Ghayb*, lors l'invisible, lors la vie (éternel) ki pou vini après nous la vie lor sa la terre là et kot nous pou bizin alle rendre compte avec nous *Rab*. En fait bane dimounes penser et croire ki zot fine amène *Imaan* lors *Ghayb*. Mais en réalité ene grande quantité de bane dimounes pas fine amène *Imaan* lors *Ghayb*. Tant ki *Ghayb* là loin et pas confronte avec aucun de zot bane demandes, zot dire ki zot amène *Imaan*. Mais dès ki zot bane demandes personnel confronte avec le *Ghayb*, bé lerrà zot quitte le *Ghayb* et donne zot propre être priorité.

Ghayb ena beaucoup signification. Ene là-dans c'est ki Allah Li *Ghayb* mais ou amène ene tel *Imaan* lors Allah, à tel point ki sa *Imaan* là gagne priorité lors bane zaffaires ki visible. Sa c'est bane dimounes ki vraiment amène *Imaan* lors *Ghayb*, et pour zot sa Livre là c'est ene livre parfait dans laquelle péna aucun doute là-dans. En fait bane doutes ki le Quran dissiper, c'est bane doutes ki ene dimoune ena quand li ti loin are Allah, et pour amène *Imaan* lors *Ghayb*, li nécessaire ki tous sa bane doutes là dissiper.

Donc, sa verset là pé mentionne ene sujet continue. Bane ki profite de bane paroles Allah, bé après quelques temps même zot trouve ki le Quran li ene livre sans aucun doute. Parcequi zot faire zéffore avec *Taqwa*, et tous bane doutes dissiper pour zot. À tel point ki le Quran transforme tout zot bane l'obscurité en lumières. Kan arrive dans ene tel stage, bé à ce moment là zot népli trouve Allah comme *Ghayb* mais comme ene réalité. Malgré ki zot pas trouve Allah, zot pas tanne Li, zot pas *feel* (ressenti) Li, là aussi c'est Allah même ki ena le dessus lors tous bane les autres zaffaires, même lors bane zaffaires ki zot pé trouver.

Sa fer moi pense ene rêve ki ene mo cher disciple de Tamil Nadu fine fer. Kan li fine fer *Istikhaarah* avec *Taqwa*, avec bane connaissances du Quran ki li déjà ena avec ene ferveur extraordinaire, pou demande Allah à propos la véracité de sa humble serviteur là, le Khalifatullah et le Jamaat Ul Sahih Al Islam, alors Allah fine accède à so humble demande et fine montrer li le Jamaat Ul Sahih Al Islam, le Jamaat d'Allah comme ene pié céleste, ki pas touche la terre, ene tel Jamaat/ pié ki tini seulement par la force divine, ki pas de sa la terre là, ki ena l'aide divine, et au bas de sa pié là, li trouve ene Logo, formant le nom d'Allah et aussi li trouve le nom de Hazrat Muhammad (saws) ensam avec celui du nom d'Allah. Sa rêve là fine marque li d'ene façon extraordinaire kot so *Imaan* lors Allah, et So Messenger, Hazrat Muhammad (saws) et sa humble serviteur de Muhammad là ki Allah fine envoyer dans sa siècle là fine vine solide et inébranlable. *Alhamdulillah*.

Sa cher disciple là fine ena confiance dans Allah, li fine ena confiance dans le *Ghayb*, ki Allah toujours causer et pou sûrement, sans aucun doute guide li vers le droit chemin, vers bon décision à prendre ki pou change so la vie dans ene façon extraordinaire, et alors Allah fine manifester Li à li, et Allah fine fini inspire li interprétation de sa rêve là, *Alhamdulillah*.

Coumsa même plusieurs de bane membres du Jamaat Ul Sahih Al Islam à travers le monde (et spécialement dans Kerala) fine fer bane rêves, visions et fine gagne bane révélations extraordinaires kot sa consolide zot *Imaan* lors Allah, lors Hazrat Muhammad (saws), lors Hazrat Massih Ma'ud (as) et sa humble serviteur là, ainsi ki tous bane prophètes (as), parski croyance dans bane prophètes aussi forme parti de *Imaan*.

Donc, c'est Allah (swt) ki ena priorité lors tout. Ensuite Allah dire ça c'est bane dimounes ki établi le Namaz et accompli droit de Namaz. Sa c'est bane *Mussaleen*. Donc, voyage là li commencer avec le Namaz même. Mais sa Namaz ki ou pé lire tous les jours dans ou la caze, ou sois dans Masjid, bane Namaz ki ou lire sans porte attention, bé sa c'est pas bane Namaz ki qualifier comme établissement de Namaz. Quran dire ki c'est zot, c'est-à-dire, bane *Mussaleen*, ki gagne *Barakat*, kot doucement doucement ena dé progrès dans zot Namaz. Mais pour certain d'autres, le Quran dire ki zot pé faire le Namaz oui, mais malédictions d'Allah lors zot.

Donc, ki faire bizin vine bane tel *Namazi* lors lequel Allah envoie bane malédictions? Rarement ou trouve bane dimounes ki lire Namaz avec goût, avec intérêt, avec beaucoup de concentration lors Allah. Sinon ou trouve ki la majorité de bane dimounes lire Namaz dans ene tel façon ki couma dire, kan zot fini are sa Namaz là ene fois! Alors, penser ki vitesse zot faire zot Namaz, zot aller. Zot nek lire sa comme ene obligation. Zot pé lire le Namaz, oui, mais zot l'esprit pas dans Namaz; li ailleurs. Sa c'est bane propos duquel Allah pé dire ki zot négligent lors zot Namaz.

Ou pour accompli droit de sa verset là seulement kan ou ena ene vrai *Imaan* lors *Ghayb*, quand ou établi le Namaz et de ce ki Allah fine donne ou, ou dépenser dans So chemin. C'est-à-dire, ou capacité, intelligence, raisonnement, tout sa là Allah même fine donner. Donc, tous sa inclus là-dans. Fine dire ki de tout ce ki fine donne ou, ou dépenser et fine dire aussi dans ki façon bizin dépenser. Sa c'est bane tel *Banda* d'Allah ki lire le Quran avec *Taqwa* jusqu'à ki le Quran guide zot.

Kan Quran vine ene guide pour zot, bé lèrlà zot ena vrai *Imaan* lors *Ghayb*. C'est-à-dire, ki zot amène vrai *Imaan* lors Allah ki pourtant Li *Ghayb*, et zot amène *Imaan* lors tous bane zaffaires ki lier avec Allah. Kan zot ena vrai *Imaan* lors *Ghayb*, c'est lèrlà ki zot capave établi le Namaz. Sans sa, li pas possible et kan zot

fine établi le Namaz, bé après sa, Allah mentionner ki de tout ce ki Nous donne zot, zot certainement dépenser là-dans. Li pas possible ki zot pas dépenser de bane capacité ki zot fine gagner. Et bane capacités là inclure ene dimoune so l'attention et tous bane faveurs ki Allah fine donne Li: la famille, dibiens, intelligence, l'argent - tout sa inclus là-dans, et quand fine dire ki zot dépenser, bé pas fine mentionner lors ki pour dépenser.

En quittant sa sujet là ouvert, bé sa verset là fine gagne bane significations illimité. Ene lotte place dans Quran fine mentionner ki ou bizin dépenser lors ou d'ene tel façon ki dans l'avantage de ou propre *Nafs*.

“*Wa mimma razaqnaahum*” inclure aussi bane dimounes ki ena l'auto et zot reste loin mais zot prend zot l'auto pour vine faire Namaz dans Masjid. Zot l'auto aussi forme partie dans sa bane dépenses là. Li inclure aussi bane dimounes ki ena zenfants et zot dépense le temps lors Training de zot zenfants et zot faire sa bane zenfants là vine bane bons zenfants.

Maintenant nous laisse l'argent de côté. Guette couma ou fine servi ou bane capacités pour ou propre *Tarbiyyat* et *Tarbiyyat* de ou bane zenfants. Si ou servi bane capacités ki Allah fine accorde ou, si ou servi zot pour approche avec Allah, bé à ce moment là, quant même ou fine dépense sa lors ou, ou sois lors ou zenfants, bé li comme si ou fine dépenser pour Allah même. Quand présente bane cadeaux à Allah, bé li nécessaire ki ena bane *Néki* là-dans. Allah même fine dire ki ou bizin présente pour Allah bane z'affaires ki ou content.

Maintenant ou capave constater ki bane demandes de *Muhabbat* li étaler lors toute la vie d'ene dimoune. Ene maman ena l'amour pour so zenfant; là-dans pas ena aucun doute. Mais si l'amour d'Allah li gagne le dessus, bé à ce moment là maman là pour porte plisse attention pour faire sa zenfant là vine ene zenfant d'Allah. Li servi tous so capacités pour atteindre so l'objectif ki zenfant là vine ene zenfant d'Allah, ene tel zenfant ki au service d'Allah, ki pas oublier so devoir ki Li ena envers Allah, et après kot li gagne ene tranquillité et la joie pour trouve so zenfants vine pour Allah. Et kan zenfant là vine ene bon zenfant, vine ene zenfant d'Allah, bé n'importe kot li aller, Allah pour protège li.

Donc, en ce ki concerne le Quran, au commencement même li fine fini explique ou sa. Chaque membre du Jamaat Ul Sahih Al Islam bizin porte attention lors là ki

tous les jours bizin faire le Telawat Quran, bizin lire traduction de Quran aussi. Par la grâce d'Allah mo fine fini complète le "Al-Azim-Tafsir'ul Quran" kot non seulement pour gagne traduction, mais aussi le commentaire du Quran par la grâce d'Allah.

Le Jamaat pé bizin l'argent pour publication de sa Al-Azim Tafsir'ul Quran là et mo pé invite tous bane membres du Jamaat à travers le monde pour participe dans sa fond là: Al-Azim Tafsir'ul Quran Fund, *Insha-Allah*, kot ena plusieurs volumes à imprimer. Pas mal de la presse fine contacter pour gagne le quotation. Couma mo pé faire ou comprend dans sa Khutba là, couma ou bizin dépense ou l'argent, et sa ene l'occasion en or dans sa siècle là et en présence d'ene Messenger d'Allah parmi ou, kot ou pé vivre bane moment béni. Si ou, ou néglige sa, bé Allah (swt) pour envoie bane les autres pour remplace ou dans sa bane contributions nobles là et sa c'est le Livre d'Allah, pour Allah seulement kot sa pour amène les autres dans sa voyage vers le Quran là et à travers sa bane commentaires là zot pour gagne l'amour pour le Quran et à travers le Quran zot pour gagne l'amour pour Allah. *Insha-Allah, Ameen.*

Ki Allah aide zot tous pour faire sa voyage là, et ki Allah toujours content et satisfait avec zot. *Insha-Allah, Ameen.*